

ZBCK•ABI a|vZc}{A a|R|a}{A -¥w{A u{BRK

X|t} ZeKU}

"a||ÛY ¥I OZ| ~¼ S|R|a}{A"

حازم الشامي مباح الثلاثاء ٢٤ نيسان ٢٠٠١ من الدانمرك، جابو ع سيادة المطران بشارة الراعي بتلفزيون الجزيرة. يمكن هو ما بيمسّل حدا، ويمكن بيمسّل شي كثير، بسّ قال الكلام يّلي الواحد بيقدّر يقول عنّو: خدو سرارن من زغارن. قال: "لازم يفهمو النصرى إنّو هتّي جزء من العالم العربي والعالم العربي جزء من العالم الإسلامي". مختصر مفيد. ها الجملة بتفسّر كمان ليش الحرب ع إسرائيل و ع المسيحي ما رح تخلص. الحرب ع إسرائيل و ع المسيحي عندا زات الأرضيّة الإيديولوجيّة: كل شي بالشرق الأوسط لازم ينتمي تحت العروبة وبالتالي تحت الإسلام. (حسب الشريعة الإسلامية). هلّق نحنا منقول: حلّن المسيحي يفهمو إنّو كلّ ما يفوتو بالعروبة بيفوتو بالتونيل الإسلامي. جابونا لحازم الشامي هو: بالسيف معك حق. بس بالحقيقة، لأ. السيف فرض عروبة وإسلام ع شعوب الشرق الأوسط يّلي مانّا عربية أصلن، ومنها كانت بكاملها مسيحية: مثل السريان الآراميين وغيرن، مثل الأقباط والنوبيين وغيرن، مثل روم مناطق سوريا الطبيعية والأناضول، مثل الفرس يّلي تمسحنو وقتمو شهدا. الحقيقة يا حازم الشامي إنّو الفتح العربي الإسلامي مستمرّ بكلامك يّلي أنت بدورك وارنو عن معلمينك. الحقيقة إنّو المسيحي حقن يقرّرو لمين هتّي بيتنمو ولوين. المسيحي شعوب عديدي. المسيحي بالشرق قبل العرب وقبل المسلمين. لأ، ما في تناقض. المسيحي شعوب مسيحي. شعوب عندا هوية حضارية عريقة، أعرق من الحضارة العربية بمناطقن. يعني المسيحي بسوريا حضارتن أعرق من حضارة العرب بسوريا. الشعوب المسيحي بسوريا وبلبنان والأردن والعراق وبليران وبالهند وبالصين، وبمصر وبليبيا وبشمال أفريقيا، وبأثيوبيا وغيرن، الشعوب المسيحي بكل ها المناطق حضارتن أعرق من الحضارة يّلي جابوها معن العرب المسلمين بيّام الإحتلال الإسلامي، هادا الإحتلال يّلي علموك تسمّيه "فتح". وهيك، يمكن تفهم، يا حازم الشامي، ليش بالسيف معك حق، بس بالحقيقة لأ. يّلي أنت بتسمّيه "فتح" ما بيقدّر "المفتوح" يسمّيه إلاّ إحتلال. هادا إزا كان يّلي قبالك قادر يرفض الإحتلال. يمكن هلّق بتفهم يا حازم إنّو المسيحي ما بيتنمو للعالم العربي ولا للعالم الإسلامي لأنن رافضين الإحتلال. السلام يّلي العالم المتمنّ بيقدّر يفهمو ما بيكون فيه فاتح ومفتوح. بيكون فيه شعوب بيحترموا حقوق بعضن. الحقوق معروفة. وتا ما يكون في إشكال فيك تتطلع عليها من نصوص الأمم المتحدة. إلاّ إزا كانت الأمم المتّحدة بالنسبة لإلك ولّلي متلك ما بتلّبي الطلب، لأنها بتعترف بحق إسرائيل كدولة. لازم يفهمو المسيحي المتملّقين والمتاجرّين بالفوتة ع العروبة إنّن عم يخسّرو المسيحي بالشرق كلّ مستقبلن. كيف؟ لأنن عم يلغولن وجودن الحضاري ويخلّولن وجودن البيولوجي. الوجود البيولوجي ع المدا الطويل، بعد التعريب والأسلمة بيصير سلاح بإيد أعداء المسيحي. ها الشي واضح ع مدا التاريخ. لازم يتزكّرو المسيحي يّلي بيكيكو العلاقة مع إسرائيل ع ميازين موقّة، أنو يوم ل ما كانت إسرائيل موجودة ما كان في عند الإسلامجي غير المسيحي يفشّو خلقن فيهن. حازم الشامي قال "لهم ما لنا وعليهم ما علينا"، بها الطريقة وضّح إنّو كيف القرآن أمر المسلمين يتعاملو معنا، بس نسي يسألنا إزا ها الأمر تنفّر وكيف تنفّر. بس يمكن ها الشي مش مهم، لأنو بس المسلمين بيعرفو كيف المسيحي لازم يفكّرو. المختصر المفيد: كلام حازم الشامي واضح: المسيحي سعرن بسعر إسرائيل، يا بيرجعو أهل ذمّة، يا الحرب عليهن ماشية من العالم العربي والعالم الإسلامي.